




13. PFLUGER

Am Spalegrabe.

's git Lecher in die alte Stadt
Wo d'lueg'sch, do singge Muure,
Und wär in Härz drin liege het
Mues sage: 's duet mi duure.

Do isch's e Kino, dert e Baiz
Wo Platz bruucht fir sich z'stregge,
Oder d'Tram und d'Nuti kemme nimm
Gschnäll gnueg um alli Egge.

O Spalegrabe, Jucedland,
Jez goht's au dir an Krage,
Di neji Zyt klopft a und sait
Mach Platz, du alte Schrage!

Bermunderet luegt 's Spaledor
Uf das Hämmere und Stupse —
Es wird nit in! sait's nur und schwingt
Und griegt vom Staub e Schnupse.

Jä lueg wie d'mitt, 's isch halt eso
Rasch 's Rad nit ruggwärts drille.
Bald wirsch ellei no ibrig in
Us dr alte Zyt, der stille.

E Loch, bald stoht dr nej Palast
Hit bruucht me nit larg z'warte —
Kai Salzfagg gseh'sch im Gang meh stoh
Im Lädeli bis Scharde.

's het gspult in fällem alte Huus,
Lueg nur, i fa 's biznige — —
Im neje Salme kemme dängg
Die Geischter bald zuem Schwinge.

O Spalegrabe, Jucedland,
Jez goht 's au dir an Krage!
Es wagglet alles mit der Zyt,
Au mir! Drum lieber nyt meh sage!

Dreesi.